

**Әдістемелік кеңес отырысы
Хаттама №3**

Уақыты: 16.03.2024

Жүргізілу түрі: Дөңгелек үстел

Әдістемелік кеңес төрайымы: Баймолдина К.К.

Хатшы: Сыдыкова Д.С.

Қатысқаны: 7

Қатыспағаны: 0

Күн тәртібінде:

- | | |
|--|-------------------------------|
| 1. Қоршаған ортамен танысу , экология негіздері арқылы баланың эстетикалық талғамын қалыптастырудың маңызы | Әдіскер –
Конопьянова А.К. |
| 2. Өткізілген ашық оқу қызметінің қорытындысы | Әдіскер-Конопьянова
А.К. |
| 3. Балабақшаның Аттестацидан өту құжаттарының тізімін талқылау | Әдіскер-Конопьянова
А.К. |
| 4. Ағымдағы мәселелер | Әдіскер-Конопьянова
А.К. |

1.Тыңдалды: Балабақша әдіскері Конопьянова А.К.

Табиғатқа деген сыйды жоғалту адамзаттың адамгершілік құндылықтарын жоғалтуға әкеліп соқтырады. Қазіргі уақыттағы әлемдегі экологиялық жағдай адам көзқарасының өзгеруін талап етеді. Өсіп келе жатқан ұрпақта жаңа экологиялық сезім қарастырылуы керек деп санаймын. Экологиялық тәрбие жұмысын жүргізу, оқытудың негізгі формалары бақылау, қызықтау, серуен болып табылады. Тәрбиешінің табиғи нысандары мен табиғат құбылыстарын бақылауды ұйымдастыруы, балаларды табиғатпен таныстырудың негізгі мәселесі болып есептеледі. Қызықтау кезінде балаларды таза ауада , көз тартар әдемі гүлдер мен ағаштар арасында болуы көтеріңкі көңіл – күймен қатар табиғат сұлулығын сезіне білуіне зор әсер ететіні анық. Ал серуен кезінде, тәрбиеші балаларды табиғатпен таныстырып, өсімдіктерге су құю, құрғақ жапырақтарды бірге жинау, ағаш түптерін тазалау т.б. сияқты қарапайым еңбек түрлеріне қатыстырады. Мұндай еңбек түрлерін орындау, балалардың еңбекке деген жауапкершілік сезімдерін дамытып, ынтасын арттырады. Экологиялық тәрбие жұмысын ұйымдастыруда тәрбиенің негізгі салалары болып табылатын адамгершілік, эстетикалық еңбек, имандылық тәрбиелерімен сабақтаса жүргізу басшылыққа алынады. Балаларға мазмұнда көрсетілгендей өлі және тірітабиғатпен одан әрі таныстырып, табиғат құбылыстары жайында бастапқы жалпылама ұйымдарды нақты түрде меңгеру ұсынылады. Қорытындылай келе мектеп жасына дейінгі балаларға өз табиғатымызды сақтап, оның әсемдігімен таныстыра отыра, өзіміздің өмір сүруімізге зор әсер ететіндігін, табиғат пен адамдар тығыз байланыста екендігін, бір – бірінсіз тіршілік болмайтынын түсіндіре отыра қоршаған ортаға деген қызығушылықтарын арттыруға, қамқор болып, қорғауға тәрбиелеуіміз керек. Сонда ғана табиғатымыздың ауасы таза, берер құдіреті көп болмақ деген ойдамын деп баланың эстетикалық талғамының, табиғатқа деген әсем сезімнің қалыптасуының маңызын түсіндіріп өтті.

2. Тыңдалды: Басшы Баймолдина К.К. сөз алып, қатынас саласының тақырыптары балалардың сөйлеу мәнерінің дамуына , ой-өрісінің дамуына үлкен септігін

тигізетіндігін айтып өтті. Алдағы уақытта осындай ашық сабақтарда жас мамандардың мұқият қатысып, ой түртіп алуын ескерте кетті. Сонымен қатар ашық оқу қызметінде көрнекіліктердің өте керемет екендігін, балалардың назарын тәрбиеші бірден өзіне қарату жағдайының бар екендігін айта өтті, бұл дегеніміз балалардың сабаққа қызыға қарайтындығын көп нәрсені ойына түйетіндігін айта өтті.

1Сөз сөйлегендер: Әдіскер Конопьянова А.К. ашық оқу қызметінің жақсы дәрежеде өткендігін айта келе тақырып, көрнекіліктер жас ерекшелігіне сай екендігін айтты. Балалардың әр оқу қызметінде белсене қатысатындығының көрініп тұрғандығын айта кетті.

3. Әдіскер Конопьянова А.К. сөзіді тәрбиелеу мен білім беру процесінен бастады. Жалпы бала бақшаның дамуын, балалардың сапалы тәрбие мен білім алуын сөз етті. Биыл мамыр айында балабақшаның аттестациядан өтетіндігі туралы айтылды. Жалпы Тәрбиешілердің құжаттар тізімі беріліп, тәрбиешілерден қандай қосымша көмек қажет екендігі сұралды. Тәрбиешілер жалпы құжаттар 2018-2022 аралығындағы нұсқау хатқа сәйкес жасалып жатқандығы айтылды. Күнделікті әдіскер мен басшы тексеру барысында тізім бойынша құжаттар тексеріліп, қызметтерге қатысу барысы бақыланып отыратындығы айтылды.

4.Тыңдалды: Ағымдағы мәселелер.

Сөйледі: Әдіскер Конопьянова А.К. алда жасалатын жұмыстарға тоқталып өтті. Қаңтар айында ата-аналарға қыс мезгіліне байланысты берілетін кеңестер ата-аналар бұрышына уақытылы ілініп, мәліметтер берілуін және қаңтар, ақпан айында жоспарланған ашық ұйымдастырылған оқу қызметтерінің уақытылы өтілуін, оған барлық педагог-тәрбиешілер қатысып, өзара ұйымдастырылған оқу қызметіне қатысу парағын толтырып отыруларын айтты. Балаларға жол ережесін үйрету, балалармен өтетін спорттық сайысына тыңғылықты дайындалуларын, балабақша мен мектеп сабақтастығы, ересек топ балаларының мектеп кітапханасына саяхатқа баруы, оны дұрыс ұйымдастыру туралы айтып, әрбір өткізген шараларының есебін уақытылы тапсырып отыруларын айтты.

Шешім: 1. Экологиялық тәрбие жұмысын ұйымдастыруда тәрбиенің негізгі салалары болып табылатын адамгершілік, эстетикалық еңбек, имандылық тәрбиелерімен сабақтаса жүргізу қолға алынсын.

2. Жас мамандар ашық оқу қызметіне қатысуы тәлімгерлерге жүктелсін.

3. Қаңтар айында ата-аналарға қыс мезгіліне байланысты берілетін кеңестер ата-аналар бұрышына уақытылы ілінсін.

Әдістемелік кеңес төрайымы:

Хатшы:



Баймолдина К.К.

Сыдыкова Д.С.